
HERNANI. UDAL AURREKONTUAK 2016: Proposamenak egiteko saio irekiak

-2015-04-29. SAIOAREN AKTA-

BILERAREN XEHETASUNAK:

- Bilera zenbakia: 4
- Xede taldea: Parekidetasuna eta Politika feminista, Kultur Aniztasuna, Kooperazioa eta Internazionalismoa.
- Dat: 2015-04-29
- Lekua: Plaza Feminista
- Hasiera ordua: 18:00
- Amaiera ordua: 20:00

DINAMIZAZIOA:

- Parte hartzaile kopurua: 3 herritar, 2 emakume eta gizon 1. 3 teknikari eta 2 ordezkari politiko.
- Dinamizatzaileak: Arkaitz Martinez de Albeniz eta Maitane Barrenetxea



1. ONGI ETORRIA ETA AURKEZPENA

Luix Intxauspe Hernaniko alkateak saioari hasiera eman dio. Lehengo urtean abian jarritako esperientzia jarraituz, aurtengoan ere Erabaki Hernani Decide prozesua martxan jartzea erabaki dugu. **Herritarrek Udal politika publikoetan duten partaidetza sustatzeko eta herritarren artean beste kultura politiko bat sortzeko** asmoarekin abiatu zen prozesua.

Lehengo urteko prozesua izan zen azken urteetan Aurrekontuarekin zerikusia duen lehendabizikoa, eta orduan esan zen bezala, **urtez urte errepikatzeko asmoarekin** sortu zen. Urtetik urtera ere prozesuan erabakigai jarriko diren atalak zabalduz, etab.

Alderdi ezberdinen artean adostutako prozesu bat izan da, eta hartutako konpromisoa honela laburtzen da:

- Udal Aurrekontuaren inguruko eztabaida eta erabaki prozesurako **500.000€** izango ditugu aurten.
- 500.000€ hauetatik 50.000€ izango dira urtez urte errepikatzeko diren proposamenetan. Proposamen mota hau 3 urtetik behin errebisatuko da.


Udalean nagusi diren **3 alderdi politikoaren adostasunarekin** abiatu da aurten prozesua, beraz, EAJ-PNV, PSE-EE eta Bilduren babesa du prozesuak.

Prozesu honetako lanketa metodologiko eta teknikoaren ardura **Aztiker** Ikergunearen esku egongo da. Euren laguntza izango dugu dinamizazioan eta prozesuaren lanketa teknikoan.

Aurkezpenaren ondoren, lehengo urtean Erabaki Hernani prozesuan atera ziren proiektuak errepasatu ditu Alkateak:

2015EKO AURREKONTURAKO PROIEKTUA	EGUNGO EGOERA
Herriko parke eta kaleetan edukiontzi gehiago jarri (14 multzo inguru)	Edukiontzi gehienak jarri dira, auzoetako ordezkariekin hitz egin ondoren, beharrezkoak ikusi diren puntuetan, besteak beste Lizeagan, Zikuñagan... Oraindik batzuk jartzea falta da.
Behar bereziak dituzten haurren integrazioa eta sorkuntza lantzeko dirulaguntza	Diru laguntza eman aurretik oinarri batzuk prestatu behar dira diru laguntza horiek emateko baldintzak zehazten, etab. Lanketa hori egiten ari dira momentu honetan, eta espero da lehenbailehen argitaratzea.
Herriko oztopo arkitektonikoak lantzeko Irisgarritasun partida handitzea	Koxkak urtero izan ohi duen 30.000€ko partida aurtengoan 60.000€koa da. Hainbat hobekuntza eta lanketa egin dira dagoeneko, Udaletxe eta Elizako tunelaren ondoan egin den Ranpa dugu horren adibide. Hala era, kantitate hau urte osoan zehar kudeatzen jarraituko dute, hobekuntzak eginez toki ezberdinetan.
Herriko haur parkeren bat estaltzea	Herriko haur parkeen inguruko azterketa bat egin da, bakoitzaren azpiegitura, erabilera, etab. ezagutzeko. Erabaki da ziurrenik atletismo pistan dagoen parkea estaltzea. Uda ondoren hasiko dira obrak, urria aldera.
Zinkoeneatik Floridako tren geltokiraino bidea argizatzea	Argiztapena berriro da Zinkoeneatik Floridarainoko bide guztian. Farola berriak dira, gehiago eta hobeto argitzen dute.
Indarkeria jasaten duten emakumeentzat arreta psikologiko eta juridikorako zerbitzua sortzea	Gipuzkoako Foru Aldundiarekin batera lantzen ari dira proposamen hau, eurek eskaintzen duten zerbitzuekin konpatibilizatzeko. Aldundiarekin azken xehetasunak adosten direnean jarriko da martxan.
Komun publiko bat gehiago jarri	Komuna non jarri erabakitzeko oinezko ibilbideak aztertu dira, baita parkeak ere. Honen ondorioz erabaki da Atletismo pistaren inguruan jartzea komun hau. Oraindik ez dago zehaztuta obrak noiz hasiko diren.
Esertzeko banku gehiago jartzea (10 inguru) eta dauden batzuk altueraz igo	Banku gehienak jarri dira, baten bat falta da jartzeko, Urbieta kalean batzuk, herriko beste hainbat lekutan besteak.
Saskibaloian aritzeko kanastak jartzea altuera baxuan bai haurrentzat bai gorpildun aulkian daudenentzat	Oraindik ez da zehaztu non jarriko diren.
Plaza berriko lurra aldatzea ondoko kaleetan dagoen granitozko lurra jarriaz	Plaza berriko lurraren obra duela bi aste hasi zen. Ekainaren 6rako bukatua egotea espero da.
Etxegabetze arrisku egoeretarako kreditu poltsa bat sortzea	Kreditu poltsa bat sortzeko baldintzak aztertzen ari dira juridikoki. Izan ere, kreditu poltsa horretatik dirua emateko baldintzak zehazten ari dira momentu honetan. Horrez gain, ondoren dirua bueltatzeko baldintzak pentsatu behar dira. Lanketa hau Stop Deshauciosekin batera egiten ari dira.
Alokairua sustatzeko dirulaguntza	Gazte Kontseiluarekin eta Stop Deshauciosekin landu dute proposamena. Nahiko aurreratua dago baina Uztailera arte ez ateratzea aurreikusten da (gazteek hala eskatuta), modu honetan 2014ko errenta aitortpena hartuko litzake kontuan.

Luix Intxausperen aurkezpena amaitu denean, Aztikerreko dinamizatzailea den Maitane Barrenetxeak Udal Aurrekontuen inguruko partaidetza prozesu honek izango dituen fase eta urrats ezberdinak zeintzuk izango diren argitu du:



Aurtengo prozesuak badu berezitasun bat, izan ere, **Gipuzkoako Foru Aldundiak** ere partaidetza prozesu bat jarri du Aurrekontuen inguruan. **Beste 500.000€ jarri dituzte erabaki gai Buruntzaldeako Eskualderako**. Ikuspegi honetatik, Hernanin proposamenak jasotzeko garai honetan, bi arloetako proposamenak jasotzen ari gara. Ondoren bereiziko ditugu Aldundiaren prozesuan jarraituko duten proposamenak, eta Udalaren prozesuan jarraituko duten proposamenak.

2. BEHARRIZANAK

Aurkezpenaren ostean, gaurkoan lantzeko izango ditugun gaien inguruko eztabaidari ekin zaio. Eztabaida honen helburu nagusia herriaren egungo egoera aztertzea izan da arlo horiei dagokionean.

Horretarako erabili dugun dinamika arlo bakoitzaren indargune eta ahulguneak identifikatzera bideratua egon da. Bi galdera nagusiri erantzun diete herritarrek:

- Gaur egun arlo honetan dagoenaren inguruan **zer AZPIMARRATUKO zenuke?**
- Zein uste duzu dela arlo honetako **HUTSUNE nagusia?**

Galdera hauei erantzunez, herritarrek euren ekarpenak egin dituzte arloka:



BERDINTASUNA

Gaur egun dagoenaren inguruan zer AZPIMARRATUKO zenuke?	Zein uste duzu dela HUTSUNE nagusia?
<ul style="list-style-type: none"> • Jabekuntza maila altua, azken urteetan egin den lanak bere ondorioak izan ditu. Bai Udaletxean eta baita Mugimendu feministari dagokionean. • Harreman oso ona dago Udala – Mugimendu feminista eta Berdintasun Arloaren artean. • Elkarlanerako joera handia dago • Berdintasunarekiko jarrera positiboa, ez hainbeste feminismoarekiko • Jabetza Eskola: urte luzez martxan dagoen proiektua, eta erreferentzialtasuna irabazi du • Udaletik baliabide teknikoak jarriak dira, indartu egin dira azken urteetan (pertsonala, materiala, espazioa) • Berdintasun Kontseilua. Ibilbide handia du, gaiarekiko ezagutza handia dute partaideek, harreman ona dago bertan. Elkarrekiko babesa. • Gizon taldea • Andre Kalearen berreskurapena • Harremonak egitasmoa, nerabe eta gazteekin egiten duten lanketaren garrantzia. Horrez gain, gaia lantzeko mugimendua sortzen lagundu du adin tarte horretakoan artean: Katxazarra, Liletak. • Indarkeria matxistaren eta eraso sexisten inguruan lanketa egiten ari da, urrats ugari eman dira nahiz eta oraindik asko dagoen egiteko: Sagardotegi garaian protokoloa, formazioa, San Juanetan... 	<ul style="list-style-type: none"> • Sektore batzuetan feminismoa ez da begi onez ikusia. Nerabe eta gazteen artean, pertsona helduen artean... • Herri mailan sektore batzuetara bakarrik iritsi da, beste batzuen artean "rechazo" edo gaitzespena sortzen duela uste da. • Herri mailan duen irismena (Jabetza Eskola, Berdintasun Kontseiluaren ezagutza, etab.) herriko sektore batzuetara bakarrik iritsi da. • Berdintasun faltsuaren ideia. Berdintasunean bizi garenaren ideia oso zabaldua dago. • Kongsentsu sozial eta politikoa handia batez ere muturreko egoeratan bakarrik gertatzen da. • Bitartekoen falta benetan aldaketa edo eraldaketa sakonetik edo erroten eman nahi bada. • Jende berdinarena iristen da, sentsibilizazio lan bat egin dagoen herritarrengana edo esparruetara iritsi da. Behar larrienak dituzten sektoreengana ez da iritsi. • Indarkeria matxistaren gaia, herri mailan ez dago kontzientzia handiegirik ez bada muturreko kasuetan. Identifikatzeko zailtasunak. Udalak arlo honetan gehiago egin dezake. Informazio falta herritarren artean Hernanin gertatzen denaren inguruan. Pertzepzioa da ez dagoela indarkeria matxistaren kasurik. Hori gezurtatu eta kaleratzearen beharra.

LANKIDETZA ETA INTERNAZIONALISMOA

Gaur egun dagoenaren inguruan zer AZPIMARRATUKO zenuke?

- Herrian gaiarekiko interesa eta inplikazioa duten herritar asko daude.
- Kooperazio talde iraunkor eta indartsua dago. Ibilbide handia du, jakintza maila ere oso ona da. Erabakitze gaitasuna dauka, eta horrek Udalaren konfiantza maila eta ematen dion zilegitasuna adierazten du. HEGOA fundazioak eredu bezala jartzen du Hernaniko Kooperazio Taldea
- Beste herrialdeetan finantzatzen diren proiektuak oso interesgarriak eta baliagarriak dira.
- Kanpotik Hernanira ekartzen diren bisita eta informazioa oso interesgarria da.
- Udal Aurrekontuaren %0,79 lankidetzako proiektuetara bideratzen da. Krisi garaian Udal askok kendu egin dute, eta Hernaniren kasuan igoz joan da.
- Saharar herriarekiko dagoen konpromiso eta kontzientziarioa oso handia da (Udala eta herritarrak). Baita Wukrorekiko dagoena ere (gehiago herritarrak).

Zein uste duzu dela HUTSUNE nagusia?

- Lankidetzeta eta internazionalismoarekiko pertzepzio okerra dago orokorrean, herritarren artean. Laguntza humanitarioarekin lotzen da zuzenean, eta internazionalismoa ez da hori.
- Baliabideak ez dira nahikoak. Pertsona bat dago horretarako eta hainbat lan eta funtzio gehiago ditu: sentsibilizazio lana herrian, lankidetzeta, giza eskubideak, kultur aniztasuna...
- Proiektu ugari ez dira ezagutzera eramaten, Kooperazio taldeak egiten duen lana, Udaletik laguntzen eta sustatzen diren proiektuak, etab.
- Bikoizketak gertatzen dira, orain Donostiako Giza Eskubideen astearekin bezala.
- Lankidetzeta eta internazionalismoaren izaera politikoa nabarmentzearen garrantzia (bai Udaletik eta bai gizarte mailan)
- Askapena lehen herri mailan erreferentziazkoa zen, gaur egun ez dago funtzionamenduan, San Joanetako txozna bakarrik ezagutzen dugu.
- Udaletik bideratutako aurrekontuaren %0,79arekin sustatzen diren proiektuekiko ezagutza falta eta kasu batzuetan, desadostasuna.
- Herritar asko daude gaian inplikatuak, baina saretze gutxi dago.

3. PROPOSAMENAK

Hausnarketaren ondoren, nahi izan duen herritar orok proposamenak luzatzeko tarte ireki da. Horretarako herritar bakoitzak fitxa bat bete du, eta ondoren, norberak talde osoari aurkeztu dio.

INTERNAZIONALISMOaren arloko proposamenak	Proposamen OROKORRAK
<p>- <i>Propuesta para la solidaridad política a la lucha pacífica de los Territorios Ocupados (de aquí en adelante TTOO) del Sáhara Occidental.</i></p> <p><i>La propuesta consiste en solidarizarse con la lucha pacífica de los TTOO aportando material informático (un par de cámaras de fotografía, un ordenador portátil, usb-s y disco duros, y tarjetas de memoria para cada cámara)</i></p>	<ul style="list-style-type: none">- Biteriko areto nagusiko ekipoak errebisatu eta behar izanez gero berritu: soinu-ekipoa, nahasketa-mahaia, proiektzio-ekipoa, argiztapena, mikrofonoak...- Urte zaharrear Txaranga jartzea- Udalak musika ekipo bat erostea, bai udal ekimenetarako, baita herriko eragile sozial ezberdinek antolatzen dituzten ekimenetarako.

4. HURRENGO URRATSAK

Proposamen guztiak amaitu ostean Aztikerreko dinamizatzailleek prozesu honek izango dituen hurrengo fase eta urratsen berri eman dute:

- ✓ Proposamenak egiteko epea apirilaren 30ean bukatuko da. Ordura arte, herritar orok proposamenak egiten jarraitzeko aukera izango du.
- ✓ Prozesu honetan jasotzen diren proposamen guztien **aurkezpen publikoa egingo da, maiatzaren 6an**, arratsaldeko 19:00etan Udaletxeko Areto Nagusian.
- ✓ **Ekainaren 10ean** herritarrek egin dituzten proposamenak baloratzeko eta Udal Aurrekontuan zeintzuk txertatuko diren baloratzeko **irizpideen inguruko eztabaida** emango da. Saio hau nahi duen herritar ororentzat irekia izango da, eta Talde eragileko partaideak ere bertaratuko dira.
- ✓ Ondoren, **Udan, balorazio tekniko eta ekonomiko** egiteko tarteak izango dira.
- ✓ Irailetik aurrera, proposamen guztien artean 2016eko Udal Aurrekontuetan txertatuko ditugunak zeintzuk izango diren zehaztu beharko dugu saio irekien bitartez.

5. SAIOAREN BALORAZIOA



Saioan parte hartu izanagatik eskerrak emanez, bukatutzat eman da bilera 2015eko apirilaren 29an, 20:00etan